

Broj: JN-02-01-31/21

Datum: 24.05.2021. godine

Na osnovu člana 21. stav 1. tačka c., člana 70. stav 1., 3. i 6. Zakona o javnim nabavkama BiH („Službeni glasnik BiH“, broj: 39/14), člana 29. Pravilnika o javnim nabavkama JKP „Vodovod i Kanalizacija“ d.o.o. Sanski Most, na preporuku Komisije za javne nabavke u postupku javne nabavke usluga-održavanje i tehnička podrška poslovno-informacionog sistema „INFOSYS“, direktor JKP „Vodovod i Kanalizacija“ d.o.o. Sanski Most, dana 24.05.2021. godine, donosi

ODLUKU
o izboru najpovoljnijeg ponuđača

I

Prihvata se Preporuka Komisije za javne nabavke (Zapisnik o pregledu i ocjeni inicijalne i konačne ponude, broj JN-02-01-31/21 od 21.05.2021. godine) i ugovor za javnu nabavku usluga- održavanje i tehnička podrška poslovno-informacionog sistema „INFOSYS“, dodjeljuje se ponuđaču „INFOSYS“ d.o.o. Bosanska Krupa, ponuda broj: 120-1021-000005 od 10.05.2021. godine.

Ukupna vrijednost ponude bez uključenog PDV-a iznosi: 8.252,15 KM.

II

Odluka objaviće se na WEB –stranici ugovornog organa www.vik-sm.ba, istovremeno s upućivanjem ponuđaču koji je učestvovao u postupku javne nabavke u skladu sa članom 70. stav 6. Zakona o javnim nabavkama BiH.

III

Odluka stupa na snagu danom donošenja.

Obrazloženje

Na osnovu Odluke o pokretanju postupka javne nabavke, broj JN-02-01-31/21 od 27.04.2021. godine pokrenut je pregovarački postupak bez objave obavještenja za nabavku usluga- održavanje i tehnička podrška poslovno-informacionog sistema „INFOSYS“.

U pregovaračkom postupku bez objave obavještenja, broj: JN-02-01-31/21 od 27.04.2021. godine, poziv za dostavu ponude upućen je ponuđaču „INFOSYS“ d.o.o. Bosanska Krupa i isti je do termina predviđenog za predaju ponuda dostavio svoju inicijalnu/početnu ponudu.

Ponuđač „INFOSYS“ d.o.o. Bosanska Krupa je vlasnik licence za poslovno-informacioni sistem koji ugovorni organ koristi od 2005. godine. Ovaj ponuđač je vlastitim projektnim rješenjima, opremom i alatima uspostavio poslovno-informacioni sistem ugovornog organa, te jedini poznaje složenu tehničku specifikaciju ugrađene opreme, te polaže i ekskluzivna prava na softverska rješenja koja je izradio za potrebe ugovornog organa.

U pregovaračkom postupku bez objave obavještenja članom 21. stav 1. tačka c) Zakona o javnim nabavkama BiH utvrđeno je da se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom dobavljaču.

Slijedom navedenog i činjenice da je pravo vlasnika softvera da isti održava, odlučeno je da se navedenom ponuđaču uputi poziv za učešće u pregovaračkom postupku bez objave obavještenja.

JKP «VODOVOD I KANALIZACIJA» DOO

Meše Selimovića bb
79260 Sanski Most
Tel/Fax.: 037/685-067
Tel/Fax.: 037/682-198

ID Broj: 4263417280001
ID Broj PDV: 263417280001
Matični registarski broj: 1-5248-00
Sud. Reg.: U/I-27/05
Upisan kod: Općinski sud Bihać
Porezni djelovodni broj: 11421139
1990440003144935 Sparkasse Bank
3385402200805836 UCB

Komisija za javnu nabavku ugovornog organa, imenovana Rješenjem direktora JKP „Vodovod i kanalizacija“ d.o.o. Sanski Most, broj: JN-02-01-31/21 od 11.05.2021. godine izvršila je otvaranje, pregled i ocjenu blagovremeno zaprimljene ponude, o čemu je sačinila odgovarajuće zapisnike.

Dana 17.05.2021. godine ponuđač „INFOSYS“ d.o.o. Bosanska Krupa je u ostavljenom roku dostavio inicijalnu/početnu ponudu sa kompletnom dokumentacijom i aneksima koje je zahtijevao Ugovorni organ tenderskom dokumentacijom.

Na osnovu dostavljene inicijalne/početne ponude koja predstavlja osnov za pregovaranje, Komisija za predmetnu nabavku je obavila pregovore sa ponuđačem „INFOSYS“ d.o.o. Bosanska Krupa.


Tokom pregovora je pregovarano o tehničkim i ekonomskim aspektima ugovora, sa tim da je ponuđač u početnoj ponudi ponudio cijenu za predmetnu nabavku u iznosu od 8.792,00 KM bez PDV-a. Zapisnikom o obavljenim pregovorima, broj JN-02-01-31/21 od 17.05.2021. godine utvrđeno je da su tehnički i ekonomski aspekti inicijalne/početne ponude promjenjeni odnosno cijena usluga je snižena, te je ponuđač „INFOSYS“ d.o.o. Bosanska Krupa pozvan da dostavi konačnu ponudu. Krajnji rok za dostavljanje konačne ponude je 19.05.2021. godine. U skladu sa upućenim pozivom i u ostavljenom roku, dana 18.05.2021.godine, ponuđač „INFOSYS“ d.o.o. Bosanska Krupa je dostavio svoju konačnu ponudu.

Dana 20.05.2021. godine izvršeno je otvaranje konačne ponude ponuđača „INFOSYS“ d.o.o. Bosanska Krupa, te je ocjenjena prihvatljivom sa ponuđenom konačnom cijenom u iznosu od 8.252,15 KM bez PDV-a, a što je konstatovano Zapisnikom o ocjeni inicijalne i konačne ponude, broj JN-02-01-31/21 od 21.05.2021. godine, u kojem je data i jednoglasna preporuka Komisije za javne nabavke.

Na osnovu preporuke Komisije ugovorni organ je odlučio da se ugovor zaključi sa ponuđačem „INFOSYS“ d.o.o. Bosanska Krupa.

Imajući u vidu naprijed navedeno odlučeno je kao u dispozitivu ove Odluke.

POUKA O PRAVNOM LIJEKU: Svaki ponuđač koji smatra da je ugovorni organ učinio povredu Zakona o javnim nabavkama BiH ima pravo na izjavljivanje žalbe. Žalba se izjavljuje u pisanoj formi ugovornom organu na način propisan članom 99. Zakona o javnim nabavkama BiH i u rokovima propisanim članom 101. istog Zakona.

Po ovlaštenju Direktora
Šef Službe za pravne i kadrovske poslove

Šupuk Almira, dipl. pravnik

Dostaviti:

1. „INFOSYS“ d.o.o. Bosanska Krupa, ul. Generala Mirsada Sedića bb, Bosanska Krupa
2. a/a